



სსიპ ეროვნული
სატყეო სააგენტო

I კვარტლის
ანგარიში

2026

სსიპ ეროვნული სატყეო სააგენტო

სარჩევი

შესავალი	3
ეროვნული სატყეო სააგენტოს რეგულირება და მართვა	5
ადამიანური რესურსები	5
ინფრასტრუქტურული პროექტები	6
სატრანსპორტო საშუალებები	6
შიდა კონტროლი და მონიტორინგი	6
კანონდარღუება და კანონმდებლობის დარღვევები	6
შრომის უსაფრთხოება	8
დარგობრივი მიმართულებები	8
ტყის აღრიცხვა	8
ტყის მოვლა-აღდგენა	10
ტყითსარგებლობა	12
საერთაშორისო ურთიერთობები და პროექტები	15
საზოგადოებასთან ურთიერთობა	16
სამართლებრივი უზრუნველყოფა	17
ბიუჯეტის შესრულება	18

შესავალი

ეროვნული სატყეო სააგენტო ქვეყნის ტყის მართვის ძირითადი ორგანოა. სააგენტოს ძირითად ფუნქციას ტყის მდგრადი მართვა, ტყის მოვლა-აღდგენა და ტყის ტერიტორიაზე ბიოლოგიური მრავალფეროვნების კომპონენტების მდგრადი გამოყენება წარმოადგენს.

სააგენტო მართავს 1,738,282 ჰა სახელმწიფო ტყეს და რეგიონული სატყეო სამსახურების მეშვეობით, ქვეყნის 9 რეგიონში ოპერირებს (აჭარის ავტონომიური რესპუბლიკის გარდა).

ეროვნული სატყეო სააგენტოს პრიორიტეტული მიმართულებებია: ტყის აღდგენა, ტყეების სანიტარული მდგომარეობის გაუმჯობესება, ტყის ინვენტარიზაცია და მართვის გეგმების მომზადება, მერქანზე ხელმისაწვდომობის კანონიერი ზრდა და მრავალმიზნობრივი ტყითსარგებლობა, რომელიც ასევე მოიცავს კერძო სექტორის ხელშეწყობას, ტყის არამერქნული რესურსებით სარგებლობისა და ეკოტურიზმის განვითარებას, დამატებითი სამუშაო ადგილების შექმნასა და შემოსავლების მიღების შესაძლებლობების ზრდას.

ეროვნული სატყეო სააგენტოს რეგულირება და მართვა ადამიანური რესურსები


2026 წლის 31 მარტის მდგომარეობით, სააგენტოში დასაქმებულია 1171 ადამიანი.

- ცენტრალური აპარატი - 182 თანამშრომელი
 - ✓ შტატით განსაზღვრულ თანამდებობა - 84
 - ✓ ხელშეკრულება - 98
- რეგიონულ სატყეო სამსახურები - 988 თანამშრომელი
 - ✓ შტატით განსაზღვრულ თანამდებობა - 362
 - ✓ ხელშეკრულება - 626

საანგარიშო პერიოდში:

- 9 ვაკანტურ თანამდებობაზე (შტატი) კონკურსის წესით დაინიშნა 1 კანდიდატი.
- 801 თანამშრომელს უფინანსდება ჯანმრთელობის დაზღვევა.
- პერიოდულად ხდებოდა eHRMS - ადამიანური რესურსების მართვის ელექტრონული სისტემის სრულყოფა/განახლება.

თანამშრომელთა განაწილება ასაკობრივი ჯგუფებითა და გენდერის მიხედვით



ინფრასტრუქტურული პროექტები

სსიპ ეროვნულ სატყეო სააგენტოში 2026 წლის იანვარი-მარტის საანგარიშო პერიოდში ინფრასტრუქტურული პროექტების კუთხით მიმდინარეობდა 2 ადმინისტრაციული შენობის (მცხეთის სატყეო სამსახურის დუშეთის სატყეო უბნის სათაო ოფისის და ამბროლაურის მუნიციპალიტეტის სოფ. სადმელის საქმიან ეზოში საოფისე შენობის) სამშენებლო-სარემონტო სამუშაოები. დასრულდა გურიის სატყეო სამსახურის ცენტრალური შენობის მიმდებარედ საწყობის შენობის მოწყობის სამშენებლო სამუშაოები.

სატრანსპორტო საშუალებები

გაფორმდა ხელშეკრულება 1 ერთეული ბაქნიანი ტიპის ავტოსატრანსპორტო საშუალების შესყიდვის მიზნით.

შიდა კონტროლი და მონიტორინგი

კანონდარსრულება და კანონმდებლობის დარღვევები

2026 წლის პირველ კვარტალში, სააგენტოს კონტროლისა და მონიტორინგის დეპარტამენტის თანამშრომლებმა, შემოსული დოკუმენტაციის, განხორციელებული საველე და დოკუმენტური შემოწმებების შედეგებზე, მოამზადეს 11 დასკვნა, რომელთა საფუძველზეც, სააგენტოს 29 თანამშრომლის მიმართ გამოყენებული იქნა, სხვადასხვა სახის დისციპლინური პასუხისმგებლობის ზომა, კერძოდ: „შენიშვნა“ დაეკისრა 3 თანამშრომელს, „გაფრთხილება“ მიეცა 8-ს, „საყვედური“ გამოეცხადა 13-ს, ხოლო 6 მათგანი „გათავისუფლდა სამსახურიდან“. ასევე, უწყებას დაქვემდებარებული რეგიონული სამსახურებიდან, შემდგომი რეგირების მიზნით გადმოიგზავნა, გადაცდომების შესახებ 15 კორესპონდენცია, რომლებიც შესწავლილი იქნა და ვინაიდან სახეზე იყო მხოლოდ მექანიკური სახის ხარვეზები, მათ მიმართ არ გამოყენებულა დისციპლინური პასუხისმგებლობის ზომები. აღნიშნულზე მომზადდა მოხსენებითი ბარათები და გაიცა შესაბამისი რეკომენდაციები.

სატყეო უბნის ფოლადაურის სატყეოში სოციალური ჭრის მიზნით გამოყოფილი ტყეკაფები და მათი მიმდებარე სახელმწიფო ტყის ფართობები, რა დროსაც ფოლადაურის სატყეოში დაფიქსირდა და აღირიცხა უკანონოდ მოჭრილი ფოთლოვანი სახეობის ჯამში 47 ძირი ხემცენარე, საერთო მოცულობით 40,45 მ3. საქართველოს მთავრობის 2022 წლის 15 ივლისის N368 დადგენილებით დამტკიცებული ტექნიკური რეგლამენტის - „გარემოსთვის მიყენებული ზიანის ფულადი სახით ანაზღაურების წესის დამტკიცების შესახებ“ დებულების თანახმად, ტყის რესურსებზე უკანონო ქმედებით გარემოსთვის მიყენებულმა ზიანის თანხამ შეადგინა 6 148,48 ლარი, რომელიც ამავე ტექნიკური რეგლამენტის თანახმად განეკუთვნება მნიშვნელოვანი ზიანის კატეგორიას. აღნიშნულის შესახებ მასალები, შემდგომი რეაგირების მიზნით, გადაეგზავნა შსს ქვემო ქართლის პოლიციის დეპარტამენტს.

შრომის უსაფრთხოება

შემუშავდა და სააგენტოს უფროსის ბრძანებით დამტკიცდა:

- შიდა ქართლის, სამცხე-ჯავახეთის, კახეთის სატყეო სამსახურების ადმინისტრაციული შენობების და ლაგოდეხი-დედოფლისწყარო-სიღნაღის სატყეო უბნის სოფელ ოზაანის N 009-000-000022 საქმიანი ეზოს რისკის შეფასების დოკუმენტები, რომელთა გადახედვა და განახლება ხდება კანონმდებლობის შესაბამისად.
- სააგენტოს ცალკეულ თანამშრომლებს, ჩაუტარდათ შრომის უსაფრთხოების ნორმების დაცვის შესახებ ზოგადი ინსტრუქტაჟი.

დარგობრივი მიმართულებები

ტყის აღრიცხვა

საანგარიშო პერიოდში განხორციელებული ღონისძიებები:

- მიმდინარეობს საქართველოს ეკონომიკისა და მდგრადი განვითარების სამინისტროს მოთხოვნის საფუძველზე შეთანხმება (ჩასარიცხი და ამოსარიცხი ტერიტორიების Shp ფაილების დამუშავება) საგარეჯოს სატყეო უბნის - 37 682 ჰა ფართობზე.

- მიმდინარეობს საქართველოს ეკონომიკისა და მდგრადი განვითარების სამინისტროს მოთხოვნის საფუძველზე შეთანხმება (ჩასარიცხი და ამოსარიცხი ტერიტორიების Shp ფაილების დამუშავება) გურჯაანის სატყეო უბნის - 28 848 ჰა ფართობზე.
- მიმდინარეობს საქართველოს ეკონომიკისა და მდგრადი განვითარების სამინისტროს მოთხოვნის საფუძველზე შეთანხმება (ჩასარიცხი და ამოსარიცხი ტერიტორიების Shp ფაილების დამუშავება) ოზურგეთის სატყეო უბნის - 19 300 ჰა ფართობზე.
- გაფორმდა ხელშეკრულებები გარდაბანი-მარნეულის სატყეო უბნის (20 433 ჰა) და ბოლნისი-დმანისის სატყეო უბნის (71 532 ჰა) ტყის ინვენტარიზაციის და 10 წლიანი ტყის მართვის გეგმების შემუშავებისთვის.
- დასრულდა ტყის მართვის გეგმის პროექტის საჯარო განხილვა, რომელიც შემუშავებულია ყვარლის სატყეო უბნისთვის - 45 044 ჰა ფართობზე. ამ ეტაპზე მიმდინარეობს ტყის მართვის გეგმის დამტკიცებასთან დაკავშირებული პროცედურები.

ასევე, შემუშავებულია ტყის მართვის გეგმის პროექტები:


- საგარეჯოს სატყეო უბნისთვის - 37 682 ჰა ფართობი;
- გურჯაანის სატყეო უბნისთვის - 28 848 ჰა ფართობი;
- თელავის სატყეო უბნისთვის - 52 331 ჰა ფართობი;
- ონის სატყეო უბნისთვის - 57 417 ჰა ფართობი;
- ცაგერის სატყეო უბნისთვის - 50 827 ჰა ფართობი.

ამ ეტაპზე მიმდინარეობს სხვადასხვა სამინისტროებთან და უწყებებთან ტყეთმომწყობისას დადგენილი განახლებული სახელმწიფო ტყის საზღვრების შეთანხმების პროცედურები, შემდგომში საქართველოს მთავრობის დადგენილებაში ცვლილებების განხორციელების მიზნით;

მიმდინარეობს 54202 ჰა ფართობზე შემუშავებული წალკა-თეთრიწყაროს სატყეო უბნის ტყის მართვის გეგმის პროექტის გადამუშავება.

განახლდა ტყის ინვენტარიზაციის გრძელვადიანი გეგმა, რომლის მიხედვითაც სრულად, სააგენტოს მართვას დაქვემდებარებული ტერიტორია განახლებული მართვის გეგმებით დაიფარება 2028 წელს.

ტყის ინვენტარიზაცია და მართვის გეგმების მომზადება წლების მიხედვით



ტყის მოვლა-აღდგენა

ტყის აღდგენა-გაშენების მიზნით განხორციელდა შემდეგი ღონისძიებები:

2026 წელს ტყის აღდგენა-გაშენების ღონისძიებების განხორციელების მიზნით, 2 306,5 ჰა ფართობისთვის მიმდინარეობს ტყის აღდგენა-გაშენების პროექტების მომზადება (კამერალური სამუშაოები), მათ შორის რეგიონების მიხედვით:


- სამცხე-ჯავახეთი - 1 511.8 ჰა (4 პროექტი);
- იმერეთი 93.6 ჰა (2 პროექტი);
- რაჭა-ლეჩხუმი ქვემო სვანეთი 670 ჰა (1 პროექტი);
- მცხეთა-მთიანეთი 31.1 ჰა (1 პროექტი).

2025 წელს ტყის აღდგენა-გაშენების ღონისძიებები განხორციელდა **3 355.1 ჰა** ფართობზე აქედან **1 733.9 ჰა** ახალი პროექტების ფარგლებში და **1 621.2 ჰა** გასულ წლებში დაწყებული პროექტების მოვლის და მიმდინარე ღონისძიებების ფარგლებში.

მათ შორის: **კახეთი 1752.3 ჰა** (1571.8 ახალი; 180.5 ჰა მოვლა/მიმდინარე), **შიდა ქართლი 31.7 ჰა** (31.7 ჰა მოვლა/მიმდინარე), **ქვემო ქართლი 77 ჰა** (77 ჰა მოვლა/მიმდინარე), **სამცხე-ჯავახეთი 678.7 ჰა** (124.3 ახალი; 554.4 ჰა მოვლა/მიმდინარე), **თიანეთი 12.1 ჰა** (12.1 ჰა ახალი), **გურია 702.7 ჰა** (25.7 ჰა ახალი, 677 ჰა მოვლა/მიმდინარე), **რაჭა-ლეჩხუმი ქვემო სვანეთი 100.6 ჰა** (100.6 ჰა მოვლა/მიმდინარე).

ტყის დაცვის ღონისძიებების მიმართულებით: გაფორმდა ხელშეკრულება მბეჭდავი ქერქიჭამიას მონიტორინგის მიზნით მწერსაჭერებში განსათავსებელი 3 900 ცალი ფერომონის შესყიდვაზე. ხანძარსაწინააღმდეგო პრევენციული ღონისძიებების ფარგლებში დაიხვეწა ტყეში ქცევის წესების დაცვისთვის შექმნილი QR კოდიანი ბანერი - ქართულ ვერსიას დაემატა ინგლისურ ენოვანი ფორმატიც, აღნიშნულის საფუძველზე მიმდინარე წელს დაიბეჭდება განახლებული 355 ც-მდე ახალი ბანერი და ხანძარსაშიშ სეზონამდე გადაიგზავნება საქართველოს ყველა რეგიონში და განთავსდება შესაბამის/წინასწარ შერჩეულ ფართობებზე. სანიტარული ჭრის ფარგლებში დამზადდა 981კვ.მ მერქნული რესურსი.

ტყის აღდგენის ღონისძიებები წლების მიხედვით, ჰა



ტყითსარგებლობა

მერქნული რესურსით სარგებლობა


საანგარიშო პერიოდში სააგენტოს ორგანიზებით განხორციელდა **9 168.09 კმ** მერქნული რესურსის დამზადება. მათ შორის:

- სოციალური ჭრა - 9 168.09 კმ

მათ შორის რეგიონების მიხედვით:

რეგიონი	სულ, კმ	სამეურნეო ჭრა	მოვლითი ჭრა	სოციალური ჭრა
გურია	204.5	-	-	204.5
იმერეთი	55	-	-	55
კახეთი	2 451.09	-	-	2 451.09
მცხეთა-მთიანეთი	1 893.91	-	-	1 893.91
რაჭა-ლეჩხუმი ქვემო სვანეთი	96.19	-	-	96.19
სამერგელო ზემო სვანეთი	74	-	-	74
სამცხე-ჯავახეთი	424.5	-	-	424.5
შიდა ქართლი	1 173.35	-	-	1 173.35
ქვემო ქართლი	2 795.55	-	-	2 795.55

- საანგარიშო პერიოდში საბიუჯეტო ორგანიზაციების მომარაგების მიზნით, დამზადებული და მიწოდებულია **494 კმ** მერქნული რესურსი;
- სათბობი შემთხვევით მოსახლეობის მოთხოვნილების დაკმაყოფილების მიზნით, სოციალური ჭრის ტყეკაფებიდან გაცემულია **9 168.09 კმ** მერქნული რესურსი.



ტყით სპეციალური დანიშნულებით სარგებლობა

ტყით სპეციალურ სარგებლობასთან დაკავშირებით (იჯარა) სასოფლო-სამეურნეო (ფუტკრის დროებითი სადგომის მოწყობა) მიზნით გაიცა სააგენტოს უფროსის 1 ერთეული ბრძანება, სულ: 2 000 კვ.მ. წლიური საფასური: 40 ლ.

განსაკუთრებული დანიშნულებით ტყით სპეციალური სარგებლობა

განსაკუთრებული დანიშნულებით ტყით სპეციალური სარგებლობა სსიპ ეროვნული სატყეო სააგენტოს უფროსის ბრძანებების საფუძველზე, განსაკუთრებული დანიშნულებით ტყით სპეციალური სარგებლობის და სპეციალური ჭრის უფლება გაიცა 1679861 კვ.მ. მიწის ფართობზე, სულ 53 ბრძანება . წარმოდგენილი ბრძანებების საფუძველზე, სააგენტოს მართვას დაქვემდებარებულ სახელმწიფო ტყეში განსაკუთრებული დანიშნულებით ტყით სპეციალური სარგებლობისთვის და სპეციალური ჭრებისთვის გადასახდელი თანხა საორიენტაციოდ შეადგენს 4,132,661.45 ლარს.

ელექტრონული საკომუნიკაციო ქსელების სახაზო ნაგებობის განთავსების მიზნით 2026 წლის საანგარიშო პერიოდში დადებული ხელშეკრულებები:

ელექტრონული საკომუნიკაციო ქსელების სახაზო ნაგებობის განთავსების მიზნით 2026 წელს დადებული ხელშეკრულებები:

შპს „მაგთიკომი“ - გაფორმდა 1 (ერთი) ხელშეკრულება.

შპს “მაგთიკომზე“ მოქმედი ხელშეკრულებებით გაცემულია 300 კვმ. მიწის ფართობი (1 ანძა), ხოლო თანხა შეადგენს - 8 400 ლარი.

სულ:

ანძა: 1

ფართობი : 300

წლიური გადასახადი : 8 400

მოქმედი ხელშეკრულება : 1

სტრატეგიული დაგეგმვა და განვითარება

საერთაშორისო ურთიერთობები და პროექტები

მიმდინარე პროექტები:

„ტყის სექტორის რეფორმის განხორციელების ხელშეწყობა საქართველოში ტყის დეგრადაციის შედეგად სათბური აირების გამოყოფის შემცირებისთვის“

დონორი: გერმანიის ეკონომიკური თანამშრომლობისა და განვითარების ფედერალური სამინისტრო (BMZ), კლიმატის მწვანე ფონდი (GCF) და შვეიცარიის განვითარებისა და თანამშრომლობის სააგენტო (SDC)

გრანტის მოცულობა: 14,573,206 ევრო

განხორციელების პერიოდი: 2021 -2028 წწ.

2026 წლის I კვარტალში განხორციელდა შემდეგი აქტივობები:

ტყის აღდგენა-გაშენების მიმართულება 1378.2 ჰექტარზე.

გურია:

ლანჩხუთის სატყეო უბნის მთის სატყეოს (25.7 ჰა) და ჩოხატაურის სატყეო უბნის შუა სურების სატყეოს (677 ჰა) ფართობებზე მიმდინარეობს ტყის აღდგენა-გაშენების პროექტების ფარგლებში დაგეგმილი დაცვისა და მონიტორინგის ღონისძიებები.

კახეთი:

ყვარლის სატყეო უბნის გრემის სატყეოს (87,5 ჰა) და ყვარლის სატყეო უბნის ახალსოფლის სატყეოს (10 ჰა) ფართობებზე მიმდინარეობს ტყის აღდგენა-გაშენების პროექტების ფარგლებში დაგეგმილი დაცვისა და მონიტორინგის ღონისძიებები.

თელავის სატყეო უბნის თელავის სატყეოს (578 ჰა) ფართობზე მიმდინარეობს ტყის აღდგენა-გაშენების პროექტების ფარგლებში დაგეგმილი შეღობვის სამუშაოები.

ტყის აღრიცხვის მიმართულება:

1. განხორციელდა ყვარლის სატყეო უბნისთვის შემუშავებული ტყის მართვის გეგმის პროექტის საჯარო განხილვა ყვარლის მუნიციპალიტეტში;
2. მიმდინარეობს ოზურგეთის სატყეო უბნის სახელმწიფო ტყის ფართობების დაზუსტება;
3. დაზუსტდა სახელმწიფო ტყის ფართობები თელავის სატყეო უბანში, გამოიცა საქართველოს მთავრობის N2156 და N2157 განკარგულებები, რომლის თანახმადაც მონაცემები განახლდა საჯარო რეესტრის ელექტრონულ რუკებზე.

„საქართველოს უმაღლესი განათლების სისტემაში დუალური (ორმაგი) განათლების განხორციელების შესაძლებლობების გაძლიერება“

დონორი: ევროკავშირის განათლებისა და კულტურის აღმასრულებელი სააგენტო (EACEA) ევროკომისიის მიერ დელეგირებული უფლებამოსილებების ფარგლებში

გრანტის მოცულობა: **18,511 ევრო**

განხორციელების პერიოდი: **2023 -2027 წწ.**

პროექტის მიზანია, უმაღლესი განათლების სისტემაში სტრატეგიული ჩარჩოს შეცვლა, დუალური განათლების დანერგვის უზრუნველსაყოფად. პროექტის ფარგლებში, ეროვნული სატყეო სააგენტო ხელს შეუწყობს თბილისის ტექნიკურ უნივერსიტეტს ორმაგი განათლების დასანერგად საპილოტე ღონისძიებების განხორციელებაში. პროექტის განხორციელების მიზნით შექმნილია კონსორციუმი და მომზადებულია დუალური განათლების ზოგადი მოდელი. საანგარიშო პერიოდში ჩატარდა სამუშაო შეხვედრები პროექტის მონაწილეებს შორის, რომელშიც უცხოური მხარეც მონაწილეობდა. მომზადდა ფინანსური და ნარატიული ანგარიში 2023-2025 წწ-ის საანგარიშო პერიოდისთვის.

საანგარიშო პერიოდში შემუშავებულია:

- სსიპ ეროვნული სატყეო სააგენტოს 2026 წლის სამოქმედო გეგმა;
- სოფლის მეურნეობისა და სოფლის განვითარების სტრატეგია;
- საქართველოს კლიმატის ცვლილებების სტრატეგია;
- სსიპ ეროვნული სატყეო სააგენტოს პროგრეს ანგარიში;
- „ტყის მდგრადი მართვა ეროვნული სატყეო სააგენტოს მართვას დაქვემდებარებულ ტერიტორიებზე - 8 სამიზნე სატყეო უბანი“ (GIZ/GCF/NFA). პროექტის ფარგლებში მომზადებულია წლიური პროგრეს ანგარიში.

საზოგადოებასთან ურთიერთობა

საანგარიშო პერიოდში სატყეო რეფორმის გაშუქების ფარგლებში მომზადდა:

1. საინფორმაციო კამპანია - მეტყევის პროფესიის პოპულარიზაციის ფარგლებში დამზადდა:

7 ბლოგი ქვეყნის სხვადასხვა რეგიონული სამსახურის მეტყევეების შესახებ;

2 ვიდეო რგოლი და ერთი სიუჟეტი საინფორმაციო გამოშვებაში - ნახევარსაუკუნოვანი ისტორია პროფესიაში;

- მომარაგების სერვისები
- ტყის მარეგულირებელი სერვისები

- ტყის კულტურული სერვისები ტყით სპეციალური სარგებლობა
- ტყის არა მერქნული რესურსებით სარგებლობა

2. საინფორმაციო კამპანია - „ნუ მოჭრი ბზას“

- ვიდეორგოლი მედიის წარმომადგენლების მონაწილეობით
- საინფორმაციო კამპანია - საქართველოს ტყის ეკოსისტემა და დაცვა;
- ასევე, ხე-ტყის უკანონო მოპოვება-ტრანსპორტირების ფაქტებზე კანონის გამკაცრების შესახებ;
- ვიდეორგოლი ტყის ბიომრავალფეროვნების შესახებ;
- ვიდეორგოლი ხე-ტყის უკანონო მოპოვებისა და ტრანსპორტირების ფაქტებზე კანონმდებლობის გამკაცრების შესახებ;

3. საინფორმაციო კამპანია - „ნუ მოჭრი ნაძვს“ ვიდეორგოლი საზოგადოებისთვის ცნობილი სახეების მონაწილეობით.

- მეტყევის პროფესიის პოპულარიზაციის მიზნით დამზადდა 8 ვიდეო-ბლოგი „მე მეტყევე ვარ“.
- მომზადდა და განთავსდა ეროვნული სატყეო სააგენტოს საქმიანობის ამსახველი 70 ბანერი (კვირის მნიშვნელოვანი სიახლეები, გამოვლენილი სამართალდარღვევათა სტატისტიკა და ა.შ.)
- 2025 წლის განმავლობაში საინფორმაციო გამოშვებებში გავიდა 53 სიუჟეტი. ძირითადი თემატიკა: ტყის მოვლა აღდგენა, ტყის ინვენტარიზაციის სამუშაოები, ტყის უკანონო მოპოვებისა და ტრანსპორტირების ფაქტების გამოვლენა, სხვადასხვა კამპანიები.
- სააგენტოს საქმიანობასთან დაკავშირებული აქტუალური თემები გაშუქდა სხვადასხვა სატელევიზიო არხის 40 გადაცემაში.
- სოციალური ქსელი Facebook-ის მომხმარებელთა რაოდენობა 2026 წლის პირველი კვარტლის ბოლოს 19,847-მდე გაიზარდა.

სამართლებრივი უზრუნველყოფა

- მომზადდა და სამინისტროში გაიგზავნა „ტყის დაცვის, აღდგენისა და მოვლის წესის შესახებ დებულების დამტკიცების თაობაზე“ საქართველოს მთავრობის 2021 წლის 27 ივლისის N383 დადგენილებაში ცვლილების შეტანის თაობაზე“ საქართველოს მთავრობის დადგენილების პროექტი (თებერვალი);

მომზადდა და სამინისტროში გაიგზავნა „სახელმწიფო სპეციალური წოდებების შესახებ“ საქართველოს კანონში ცვლილების შეტანის თაობაზე“ საკანონმდებლო პაკეტი რომელიც მოიცავს (მარტი):

- გარემოს დაცვის შესახებ“ საქართველოს კანონში ცვლილების შეტანის თაობაზე“ საქართველოს კანონის პროექტს; „იარაღის შესახებ“ საქართველოს კანონში ცვლილების შეტანის თაობაზე“ საქართველოს კანონის პროექტი;
- „სახელმწიფო კომპენსაციისა და სახელმწიფო აკადემიური სტიპენდიის შესახებ“ საქართველოს კანონში ცვლილების შეტანის თაობაზე“ საქართველოს კანონის პროექტი;
- „საჯარო სამსახურის შესახებ“ საქართველოს კანონში ცვლილების შეტანის შესახებ“ საქართველოს კანონის პროექტი;
- „საჯარო დაწესებულებაში შრომის ანაზღაურების შესახებ“ საქართველოს კანონში ცვლილების შეტანის თაობაზე“ საქართველოს კანონის პროექტს.

ბიუჯეტის შესრულება

ინფორმაცია სსიპ ეროვნული სატყეო სააგენტოს 2026 წლის ბიუჯეტის შესრულების შესახებ

სსიპ ეროვნული სატყეო სააგენტოს 2026 წლისათვის, „საქართველოს 2026 წლის სახელმწიფო ბიუჯეტის შესახებ“ საქართველოს კანონის შესაბამისად, სააგენტოს შემოსულობები განესაზღვრა 61,650.00 ათ. ლარის ოდენობით, აქედან შემოსავლები - დაფინანსება საბიუჯეტო სახსრების სახით - 21,650.00 ათ. ლარი, საკუთარი შემოსავლებიდან - 40,000.00 ათ. ლარის ოდენობით. გადასახდელები განსაზღვრული იქნა 72,233.00 ათ. ლარის ოდენობით, აქედან, საბიუჯეტო სახსრების ნაწილში - 21,650.00 ათ. ლარის ოდენობით, ხოლო კანონმდებლობით ნებადართული სხვა (საკუთარი) შემოსავლებიდან - 50,583.00 ათ. ლარის ოდენობით.

საქართველოს მთავრობის 2026 წლის 23 თებერვლის N392 განკარგულებით დაზუსტდა აღნიშნული მაჩვენებლები და სააგენტოს გადასახდელების დაზუსტებულმა ოდენობამ შეადგინა ხარჯვით ნაწილში- 99,233.00 ათ. ლარი, აქედან, საბიუჯეტო სახსრების ნაწილში - 21,650.00 ათ. ლარი, ხოლო კანონმდებლობით ნებადართული სხვა (საკუთარი) შემოსავლებიდან - 77,583.00 ათ. ლარი.

გარდა აღნიშნულისა, სააგენტო წლის განმავლობაში, მიზნობრივი გრანტების დაფინანსებით გეგმავს 3,102.51 ათ. ლარის გახარჯვას.

ცხრილი 1.

2026 წლის I კვარტლის გეგმა/ფაქტი და შესრულების პროცენტული მაჩვენებელი


დასახელება	2026 წლის I კვარტლის დაზუსტებული გეგმა				2026 წლის I კვარტლის ფაქტი				2026 წლის I კვარტლის შესრულება			
	მთლიანი ბიუჯეტი	მათ შორის			მთლიანი ბიუჯეტი	მათ შორის			მთლიანი ბიუჯეტი	მათ შორის		
		სახელმწიფო ბიუჯეტი	მიზნობრივი გრანტი	საკუთარი შემოსავლები		სახელმწიფო ბიუჯეტი	მიზნობრივი გრანტი	საკუთარი შემოსავლები		სახელმწიფო ბიუჯეტი	მიზნობრივი გრანტი	საკუთარი შემოსავლები
ნაშთი პერიოდის დასაწყისისათვის	41,527.2			41,527.2	41,527.2			41,527.2				
შემოსულობები	16,379.00	6,769.00	610.00	9,000.00	10,975.93	6,727.92	62.16	4,185.85	67%	99%	10%	47%
შემოსავლები	16,379.00	6,769.00	610.00	9,000.00	10,975.93	6,727.92	62.16	4,185.85	67%	99%	10%	47%
მ.შ. საბიუჯეტო სახსრები	6,769.00	6,769.00	-	-	6,727.92	6,727.92	-	-	99%	99%		
მ.შ. საკუთარი შემოსავლები	9,000.00	-	-	9,000.00	4,185.85	-	-	4,185.85	47%			47%
გრანტები	610.00	-	610.00	-	62.16	-	62.16	-	10%		10%	
სატყეო სისტემის ჩამოყალიბება და მართვა 31 09	11,433.00	6,769.00	610.00	4,054.00	10,714.61	6,727.92	62.16	3,924.53	94%	99%	10%	97%
ეროვნული სატყეო სააგენტოს რეგულირება და მართვა 31 09 01	6,338.00	4,827.00	5.00	1,506.00	6,239.32	4,794.91	-	1,444.41	98%	99%		96%
ტყის მოვლა-ადგენის ღონისძიებები 31 09 02	207.00	37.00	5.00	165.00	191.50	36.23	-	155.27	93%	98%		94%
ტყის სარგებლობის ღონისძიებები 31 09 03	4,850.00	1,905.00	600.00	2,345.00	4,246.39	1,896.78	62.16	2,287.45	88%	100%	10%	98%
ტყის აღრიცხვა-ინვენტარიზაციის ღონისძიებები 31 09 04	38.00	-	-	38.00	37.40	-	-	37.40	98%			98%
ნაშთი პერიოდის ბოლოს	46,473.20			46,473.20	41,788.52			41,788.52				

კანონმდებლობით ნებადართული სხვა (საკუთარი) შემოსავლები და გადასახდელები

ფაქტობრივად, ეროვნული სატყეო სააგენტოს მიერ მიღებულმა შემოსავლებმა 2026 წლის I კვარტალში შეადგინა **4,185.85 ათ. ლარი**:

გრაფიკი N1

2026 წლის I კვარტლის საკუთარი შემოსულობების რიცხოვნობი და პროცენტული მაჩვენებლები სახეების მიხედვით



წყარო: სახელმწიფო ხაზინა

დაფინანსება სხვა წყაროებიდან:

საანგარიშო პერიოდში, მიზნობრივი გრანტების ფარგლებში განხორციელდა კანონით დადგენილი პროცედურები და დამტკიცდა მიზნობრივი გრანტების ხარჯთაღრიცხვები:

- „იმერეთის რეგიონში დაავადებული წაბლნარი ტყეების აღდგენის და განახლების პროგრამის და ეკო-პრემიების პროგრამის" ხელშეკრულების ფარგლებში - 62,6 ათ. ლარზე; (ხელშეკრულება საქართველოს მთავრობასა და ბაქო-თბილისი-ჯეიჰანის მილსადენის კომპანიას (BTC Co) და სამხრეთ კავკასიის მილსადენის კომპანიას (SCP Co) შორის);
- დამტკიცდა 2026 წლის ხარჯთაღრიცხვა სსიპ ეროვნულ სატყეო სააგენტოსა და გერმანიის საერთაშორისო თანამშრომლობის საზოგადოებას (GCF/GIZ) - შორის გაფორმებული საგრანტო ხელშეკრულება „ტყის მდგრადი მართვა ეროვნული სატყეო სააგენტოს მართვის დაქვემდებარებულ ტერიტორიებზე - 3,000.0 ათ. ლარზე, (8 სამიზნე სატყეო უბანი)“ მიზნობრივი გრანტი N2471, 10.03.2022, (ფულადი გრანტის მთლიანი მოცულობა- 14,873,206.00 ევრო).
- „საქართველოს უმაღლესი განათლების სისტემაში დუალური (ორმაგი) განათლების განხორციელების შესაძლებლობების გაძლიერება“ - ევროპული განათლებისა და კულტურის აღმასრულებელ სააგენტოსა (ევროკომისია) და 16 ბენეფიციარს, მათ შორის სსიპ ეროვნულ სატყეო სააგენტოს შორის ხელმოწერილ საგრანტო ხელშეკრულების ფარგლებში - 39,9 ათ. ლარზე.

სულ ჯამში მიზნობრივი გრანტის ფარგლებში 2026 წლის I კვარტლის გასაწევმა ხარჯების გეგმამ შეადგინა 610.0 ათ. ლარი, ხოლო საკასო შესრულებამ შეადგინა 62.16 ათ. ლარი.

ძირითად საქმიანობასთან დაკავშირებული სხვა ინფორმაცია:

- ✓ მომზადდა და მიღებული იქნა საქართველოს მთავრობის განკარგულება (N392 23.02.26) საქართველოს გარემოს დაცვისა და სოფლის მეურნეობის სამინისტროს სსიპ ეროვნული სატყეო სააგენტოს 2026 წლის ბიუჯეტის, სამტატო ნუსხისა და სახელფასო ფონდის შეთანხმების თაობაზე;
- ✓ მიღებული იქნა საქართველოს მთავრობის განკარგულება (N217 29.01.26) „საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირისთვის – ეროვნული სატყეო სააგენტოსთვის „საქართველოს 2026 წლის სახელმწიფო ბიუჯეტის შესახებ“ საქართველოს კანონის 25-ე მუხლით გათვალისწინებულ შეზღუდვაზე გამონაკლისის დაშვების თაობაზე“;
- ✓ „საქართველოს გარემოს დაცვისა და სოფლის მეურნეობის სამინისტროს სისტემაში ფინანსური მართვისა და კონტროლის სისტემის ჩამოყალიბების მიზნებისათვის უზღუდვამოსილებებისა და პასუხისმგებლობის განაწილების წესის დამტკიცების შესახებ“ 2022 წლის 25 მარტის N2-240 ბრძანების საფუძველზე მომზადდა სააგენტოს 2025 წლის ანგარიში.
- ✓ მომზადდა ფინანსური დეპარტამენტის 2025 წლის ანგარიში.
- ✓ „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების თანახმად მომზადდა 2025 წლის ანგარიში.
- ✓ მომზადდა ცვლილებები სააგენტოს 2026 წლის ბიუჯეტის ხარჯების კვარტალურ განწერაში (კვარტალებსა და კლასიფიკაციის მუხლებს შორის დაზუსტების მიზნით);
- ✓ მომზადდა სსიპ ეროვნულ სატყეო სააგენტოსა და გერმანიის საერთაშორისო თანამშრომლობის საზოგადოებას (GCF/GIZ) - შორის გაფორმებული საგრანტო ხელშეკრულების (ტყის მდგრადი მართვა ეროვნული სატყეო სააგენტოს მართვის დაქვემდებარებულ ტერიტორიებზე - 8 სამიზნე სატყეო უბანი) თანახმად კვარტალური ანგარიშგება - N14;

- ✓ სააგენტოს მიერ გასაწევი ფასიანი მომსახურების ნაწილში მომზადდა და გაფორმდა 10 ხელშეკრულება (მერქნული რესურსის აღრიცხვისა და საკადასტრო ნახაზების მომზადების);

ელექტრონული აუქციონის წესით მერქნული რესურსის რეალიზაცია

2026 წლის I კვარტალში გამოცხადდა 48 ელექტრონული აუქციონი. გაყიდული მერქნული რესურსის მოცულობამ შეადგინა 1 664,949 კუბური მეტრი. აუქციონის საბოლოო გასაყიდმა თანხამ შეადგინა 500 261,67 ლარი.

გამოცხადდა სახელმწიფო ტყის მიწის ნაკვეთზე საკომუნიკაციო ქსელების სახაზო ნაგებობის განთავსების მიზნით 3 (სამი) ელექტრონული აუქციონი. აქედან შედგა 2 (ორი) ელექტრონული აუქციონი 888 კვმ-ზე, რომლის გასაყიდმა ფასმა შეადგინა 50 400 ლარი.

სახელმწიფო შესყიდვები

სააგენტოს ადმინისტრაციული და სხვა საქმიანობის უზრუნველყოფის მიზნით, 2026 წლის I კვარტალში გაფორმდა სახელმწიფო შესყიდვების შესახებ ხელშეკრულებები სახელმწიფო ბიუჯეტის სახსრებით - 3,371,954.84 ლარზე, საკუთარი სახსრებით - 6,177,774.7 ლარზე, მიზნობრივი გრანტის ფარგლებში - 16 000 ლარზე;